



Dette er i Omvikdalen

Får mjølkebøndene i Omvikdalen 50 øre meir for mjølka pr. liter enn bøndene i Uskedalen?

Fleire lesarar spør uskedalen.no om det etter å ha sett plakatar for bondeaksjonen i dei to dalane. Og dei vil gjerne veta kvifor det tydelegvis er ein viss skilnad.



[Dette er i Uskedalen](#)

På plakaten i Omvikdalen som står like ved Dimmelsvik Bil står det at bøndene der får kr. 4,50 for literen. På plakaten i uskedalen, som står på Sandabakkane står det at bøndene får 4 kroner literen.

- Er det verkeleg så stor skilnad på utbetalingsprisen i to dalar som ligg ved sida av kvarandre, spør ein forbrukar.

Han presiserer samstundes at han unnar mjølkeprodusentane kvart øre dei kan få.

Kva er forklåringa?

Det har vi spurt Olav Hjetland Bringedal om og han svarar:

- I Omvikdalen får dei sjølve svara på grunnen til at dei opererer med 4,50, men vi har i alle fall teke utgangspunkt i snittprisen i vårt distrikt i april og den var 4,05.

Det kan vera nyttig å minna om dei elementa som ligg til grunn for prisen.

Alle som leverar til TINE får ein basispris på 3,82 og tillegg hvis dei har elitemjølke.

Ein får trekk eller tillegg for fett og protein og ein får trekk hvis ein ikkje kan tilfredsstilla krava til kvalitetssikring på garden.

Prisen kan med andre ord variera endel..

Av Ola Matti Mathisen